



“ PACEM IN TERRIS ”  
DEDICATA AI CADUTI DI NASSIRIYA.  
( Canicattì Ottobre 2003 )

“ Picchè moriri accussì luntanu ? “

Picchè ?

s’addumanna la matri  
cu la morti ni lu cori.

Picchè ?

S’addumanna la muglieri  
strngiennu a lu pettu li figli nicarieddri.

Picchè ?

S’addumannanu li picciriddri,  
nun capiennu tantu trambustu.

“ Pi la Patria “

Arrispunni lu Ginirali.

“ Ma la Patria nun è cca ? “

pensa cunfusa la matri,

“ chi ci faciva iddru ni lu disertu di la Misopotamia ?

“ Pi lu duviri “

Afferma l’anorevuli.

“ ma nun era chiddu di travagliari e campari la famiglia “

Pensa un po’ sturduta la muglieri.

“ Pi la democrazia “

dici lu Prisidenti

“ ma ci l’ammu a purtari nuantri cu la forza ? “

pensa la genti

o è lu populu ca la scegli e l’abbrazza quannu voli ?

“ Basta ! nun c’è cchiù la guerra, armammuni e partiti “

“ Picchè allura di genti ni mori chissà di prima ?  
e nuantri ammu forsi dichiaratu guerra a quarcunu. “  
“ Nooo ! mai arrispunninu scannaliati li Pulitici.”

Ma na vicchiareddra anziana di età ma pizzuta di testa  
“ nun è ca stammu chiangiennu na guerra dicisa d’antri ?”

E un vecchiu comunista di l’aspetto mpassulutu  
“ picciò, Busci voli lu pitroliu, stu piezzu di curnutu !”  
chiangi lu giustu pi lu piccaturi e finisci comu a sempri finutu.

Lu duluri è forti e la pena granni assai,  
diciannovi cristiani muerti ni la terra di nessuno,  
pari ca fussimu turnati a li tempi di li cruciati.

Partieru chini di spiranza, fieri e bardanzusi,  
turnaru senza vita, ni li tabbuta nchiusi.

Cu li mannà ddra ? Picchè murieru accussì luntanu ?

La Pulitica piglià sta decisionii, sta strata turmintata e beddra,  
tantu a chiangiri e moriri è sempri la genti puvireddra.

Si chista allura è guerra picchè la chiamanu paci ?  
Lu sapi lu putenti ma ipocrita curpevolmenti..... TACI !!!!!.

Indice poesie: <http://www.solfano.it/treppiedi/index.html>

Pagina principale: <http://www.solfano.it>